

ЖАРНАМА

Мамандығым – мақтанышым!

Бұл өмірде адамның тағдырын айқындайтын екі нәрсе бар: бірі – өмірлік жолдасы жары болса, екіншісі – мамандық. Мамандық таңдау, бұл – өте маңызды іс. Өйткені, біз өзіміз таңдаған мамандық саласында өмір бойы қызмет атқарамыз. Мамандықтың саны әр алуан: дәрігер, мұғалім, ұшқыш, есепші, аспаз, елші, қаржыгер, архитектор, механик, көлік жүргізуші, сазгер, сатушы, ғарышкер және т.б. Бірақ, бұларды байланыстыратын маңызды факт – бәрі халық үшін қызмет атқарады. Ал халық үшін қызмет көрсету – маңызды мәселе. "Жеті рет өлшеп, бір рет кес" деген нақыл сөзді ұран етіп, мамандықты дұрыс таңдауымыз керек.

Менің таңдаған мамандығым тікелей қоғам, яғни, халықпен байланысты. Қазіргі таңда қоғамдық мәселелерді шешу ең өзекті істердің бірі болып табылады. Осы мамандықты таңдауымның бір себебі, осы мәселелердің түйінін шешілуіне үлесімді қосқым келеді.

Әлеуметтік қызметкер – ізгілік пен теңдік қағидаларына, адам өмірінің түрлі салаларындағы білімге, әлеуметтік мәселелерді бағалау және қиындықтарды басынан кешкен адамдарды қолдау іс-шараларына негізделген, адамдар мен қызметкердің түрлі топтары арасындағы жаңа қарым-қатынас моделінде қалыптасқан маңызды кәсіби қызмет.

Әлеуметтік жұмыс қоғамдық құбылыс ретінде қалыптаса отырып, қоғамдық институт болып табылады және адамдардың қызмет сферасы біріндеп жан-жақты ғылыми зерттеудің объектісіне айналды және ХХ ғ. соңына қарай қоғамдық өмірдің осындай құбылыстарының ғылыми түсіндірілуі және теория тарихы туралы айтуға болады, бұл тарих тек қана қоғамның "әлсіз" топтарын әлеуметтік қорғау практикасы мәселесін теориялық меңгеруімен ғана емес, сонымен қатар теориялық білімнің өзіндік дамуымен, эволюциясы және жеке ғалымдардың қызметімен тікелей байланысты.

Әрбір әлеуметтік қызметкер кәсіби маман болу үшін ұзақ жылдар еңбек ету керек. Яғни, тәжірибе жинап, әлеуметтік кәсіби маман болуы керек. Кәсіби маман болу үшін жан-жақты білімді, әлеуметтік мәселелерді жақсы білуі, әлеуметтік жұмыс теориясын, әдістерін, технологияларын, адам психологияларын жақсы білуі, адамды түсінуі сияқты сапалары болуы керек.

Әлеуметтік жұмыс профессионалдық қызметте жиі кездеседі. Мұнда көбінесе қызметкердің тиімді және үлгерімділігі анықталады. Сондықтан әлеуметтік қызметкерді оқыту процесінде мамандықтың маңыздылығын ғана көрсетпейді, сонымен қатар тұлға ретінде рухани-адамгершілік құндылықтарын қалыптастырады. Қазір әлеуметтік қызметкердің профессионалдық білімін және дағдысын, жеке қасиеттерін міндетті түрде есепке алады.

Әлеуметтік жұмысты таңдай отырып, жастар осы мамандық туралы толық мағлұмат алуы керек. Әлеуметтік қызметкер қиыншылықтарға қарамастан ол адамдарға жақсылық істей ала ма? Адамдар өмірде кездесетін кездейсоқ жағдайларға төзе алуға дайын ба және басқа адамгершілік сұрақтарды мамандық таңдағанда шешуі қажет. Солай болғандықтан, мамандық таңдау әрбір адамның өміріндегі маңызды қадам және әсіресе, біз – жастар үшін өзінің күшіне сәйкес саланы таңдау өте қиын. Сондықтан барлық мектеп бітіруші түлектерге болашақта мамандықты дұрыс таңдап, қайырымды жұмыспен айналысамын десеңіз, «әлеуметтік жұмыс» мамандығымен жол бастауға шақырамын!

А.БЕЙСЕНБАЙ,
әл-Фараби атындағы
Қазақ ұлттық университеті
философия және саясаттану факультеті
әлеуметтік жұмыс мамандығының
4-курс студенті.
Жетекшісі: Сарыбаева Индира.

Алматы қаласы бойынша Тексеру комиссиясының сенім телефоны – 272-10-78

2016 жылдың 2-тоқсанына Алматы қаласы бойынша Тексеру комиссиясы басшылығының азаматтарды қабылдау кестесі

р/с №	А.Т.Ә.	Лауазымы	Қабылдау күні	Қабылдау уақыты	Қабылдау кабинеті
1	Сыздықов Елқайыр Қабыркөрімұлы	Тексеру комиссиясының Төрағасы	05.04, 10.05, 14.06.	16.00-17.00	28
2	Райымбаев Асқар Хаметұлы	Тексеру комиссиясының мүшесі	12.04, 17.05, 21.06.	16.00-17.00	32
3	Мұңсызбаева Айгүл Төлеуханқызы	Тексеру комиссиясының мүшесі	19.04, 24.05, 28.06	16.00-17.00	29
4	Рақышева Әфия Келікқызы	Тексеру комиссиясының мүшесі	26.04, 31.05.	16.00-17.00	33
5	Сәбитов Арман Сәбитұлы	Тексеру комиссиясының мүшесі	03.05, 07.06.	16.00-17.00	35

Алматы қаласы бойынша Тексеру комиссиясы (әрі қарай – Тексеру комиссиясы) «Өңірлерде сыртқы мемлекеттік қаржылық бақылау органдарын жетілдіру туралы» Қазақстан Республикасы Президентінің 2011 жылғы 2 мамырдағы №67 Жарлығына сәйкес құрылды және мәслихатқа тікелей есепті болып келеді.

Тексеру комиссиясы сыртқы бақылауды жүзеге асырып, жергілікті бюджеттің атқарылуын, өңірді дамыту бағдарламасының, бюджеттік бағдарламалардың жүзеге асырылуын бағалап, квазимемлекеттік сектордың субъектілеріне бөлінген мемлекеттік қаржылық қорлардың қолданылуын бақылап, коммуналдық мүлктің, мемлекетпен кепілдік берілген займдардың тиімді қолданылуын қадағалайды және баға береді.

АЛМАТЫ ҚАЛАСЫНДА «МЕРЕЙЛІ ОТБАСЫ» ҰЛТТЫҚ КОНКУРСЫН ӨТКІЗУ БОЙЫНША ХАБАРЛАНДЫРУ

Қазақстан Республикасы Президентінің 2013 жылғы 6 желтоқсандағы № 250 «Мерейлі отбасы» ұлттық конкурсы туралы» өкімін орындау үшін Алматы қаласының аудандарында «Мерейлі отбасы» ұлттық конкурсының I-кезеңі өткізілуде.

Байқаудың мақсаты – өнегелі құндылықтарды жаңғыртуға, ерлі-зайыптылық жауапкершілігінің маңыздылығын мойындау, балаларды тәрбиелеуде ата-ананың жауапкершілігін арттыру, сондай-ақ, қазақстандық отбасының жағымды имиджін үгіттеу болып табылады.